

Taimaalu, pitjutikhat ikayuutigivaktun hivunikhangit atuqtauniaqtun talvanga Naunaitkunmi 23mi Nunavut Angirutaini taimalu havakhimayut ihuaqhaiqyumiqtitiyaangat havaktukhaqhiuqtunik havaktiqaqhimaagiangatlu atuqtauyakhat Nunavut Kavamanmi.

###

Ilitugiyagiikhimayut Titiraq iluaniitug

Tuhaqtitiliqiyiit Hivayaqlugu:

Leevede Atagoyuk
Atanguyaq Tuhaqtitiliqiyikkutni
Pitquhiliqiyikkut
867-975-5526
LAtagoyuk@gov.nu.ca

Charles Pugh
Aulapkaiyi, Pangnaiyaiyut, Pitjutikhangitlu
Piumayauluaqtun
Havaktuliyikkut
867-975-6206
Cpugh@gov.nu.ca

Ilitugitjutikhat

Inuit Qauyimayatuqangit Hulilukaarniaqtunut Pitquhititigun Ubluangani Atuquyauyukhatlu

Nunavut aulatitihimaimayuq talvuuna Nunavut Angirutikkut talvuuna tautuktuyaagutikkut kavamaliqiyaangat Inuinait pitquhitigut tamaini havakviini, aulaniaqtunlu inuuhiangit tamaini aviktauninganiitunik Nunavunmi.

Inuit Qauyimayatuqangit ilitugitjutiit taima atuqtaunginaqtuq Inungnit tamaat taima Europeyangit tikitinani. Taima ihuaqtuq atugiangat aulayunik hadja kamaliqiyaangat atuqtaugiaqaqtuqlu pivalliatjutikhatigut kavamaliqiyaangat Nunavunmi. Inuit hivulluurutit upiriyauyut taima malikhautikhat havakhimayut talvuuna ilitugitjutitigut taima aituiniaqtun hivunikhaqnik. Tamna Inuit hivulluurutit upiriyauyut pukuktauluaqhimayuq uukturutingni uvani atuquyauyuni taima tautungnaqtun Maligaqliqitjutingni Tamapta maliktakhainik tuniyaangat hivunikhaqnik havaktunut kavamanmi.

Inuit Qauyimayatuqangit atuquyaini piqaqtun pingnguarutingnik talvuuna qanuq Inuit hivulluurutit upiriyauyut aulaniaqat ubluk tamaat havakvianik havaktunutlu uukturutingnit.

- Tuhaqtitiliqivingmi: “Uqaqlutik titiraqlutikluuniit, naunaitumik, mihingnaqtumiklu tapkununga nallaktunut taiguaqtunutluuniit.”
- Hivulliqtitinikunni: “Pitjagiknahaqlutin iniqtiqtiqhimayunik, taima allanik uuktuqhimaalugitlu ilauqatigiqplugitlu iniqtiqhimayainik tunihimaanginaqtainlu allanut.”
- Taima uqaqtiulutin katimapkaihimayunik: “Ilauhimaqtun tunngahuktitilugit ilauqulugitlu, taima aituihimaqtait ihumagiyaunginaqtun.”
- Talvani pitquhiliqitjutiqaqtuni ilihimayunik “Anmaumalugu ihumatin ilittiaqnahaqlugitlu pitquhiqaqtunik allanik allatqinguyut pitquhiitlu pitjutikhangit tamainut havaktinut talvani havagvingmi.”
- Havaqatigiiknikkut: “Quviahupkailutik iniqtiqhimayainik havaktangit tamaini havagvingnit pangnaiqhimatuqaqlutiklu aituiyaiyaangat quviahuutikhaqnik, uuktuqhimaarutikhaqnik, ilitaritjutikhaniklu havaktinut.”

Pitquhititigun Hulilukaarniaqtunut Ubluangani atuquyauyut ilitagitjutiqaqtuq atuqtakhanik aulahimaqtun iluani Nunavut Kavamanmi, taima aulaliqman, taima tunihimaqhutik havaktinut atuqpagainik Inuit pitquhingit inuuhiangit nunami.

Tamna atuquyut hanahimayuq taima piqagiangat pitquhingnik ilihimatjutingnik ilittiagiangat aituiniaqtuq ilihimayukhanik ayuittiagiikhimayuniklu taima ihuaqhaiyumiqtitiniaqtun havaktiit aulatitiyaangat ikayuutikhaqnik Nunavunmiunut.

Atuquyauyut tuniyauhimayut talvuuna pitquhititigun hulilukaarniaqtunut ubluangani hanattiaqhimayut ilihumaliuttiaqhimayutlu talvuuna qayangnaitkutikhatigut, hilaupitigun, pitquhiqaqtunut ilitugitjutitigut. Pitquhititigun Hulilukaarniaqtunut Ubluangani ilauqagiaqaqtun, nunami ilihaitjutikhaqnik, havaqatigiiknikkut hulilukaarutikkut, ilihainirlu iningnikhaanit, unipkaanganitlu.